

ՄԵՐ ԹՂԹԱԿԻՑԸ ՂԱՐԱ-
ԲԱՂՈՒՄ ՀԱՆԴԻՊԵՑ ՍՍՏ-
ՓԱՆԱԿԵՐՏԻ ՔԱՂԵՈՐՀՐԴԻ
ԳՈՐԾԿՈՄԻ ՄՇԱԿՈՒՑԹԻ
ԲԱԺՆԻ ՎԱՐԻՉ ԼԵՎՈՆ
ՄԿՐՏՁԱՆԻ ՀԵՏ ԵՎ ԽԸՆԴ-
ՐԵՑ ՊԱՏԱՍԽԱՆԵԼ ՄԻ ՔԱ-
ՆԻ ՀԱՐՑԵՐԻ:

Հ Ո Ք Ե Վ Ո Ր Ա Ղ Բ Յ Ո Ւ Ր Ը Պ Ե Տ Ք Է Կ Ա Ր Կ Ա Չ Ի

— Աշխարհին է հայտնի Արցախի մշակույթը, հայն ու Հայաստանը օտարին ներկայացել է նաև այդ հատվածի հարուստ պատմությամբ: Ինչ պատահեց համկարծ, ինչո՞ւ խաթարվեց այդ փառահեղ ընթացքը: Վերջին տասնամյակներից այստեղ գրեթե ոչ մի մշակույթի օջախ չի պվել: Ինչո՞ւ:

— Այո: Նախահեղափոխական Արցախի կենտրոնը Օուշին հանդիսացել է Անդրկովկասի հայկական լուսավորության առաջատար կենտրոններից մեկը: Այստեղ դասակարգին 20 հանդես է լույս տեսել, որից 19-ը միայն հայերեն: Կար չորս տպարան: Մինչև 1920 թվի մարտը, մինչև հրդեհվելը Օուշիում գործել է Խանդավազյանի աշխարհաճանաչ թատրոնը, որ հանդես են եկել ժամանակի բոլոր նշանավոր դերասանները:

Անցյալից չեն ուզում օրինակներ բերել: 85 տարիների Արցախի մշակույթի զարգացումը խաթարեց «տալիսման ինտերնացիոնալիզմը»: Այնքան էին ծափահարում այդ կեղծ ինտերնացիոնալիզմի լուսավորչներին, որ ազատ ձեռք չէր լինում մշակույթի օջախներ կառուցելու, գրադարան, ակումբ կառուցելու... Ծափահարում էին: Ժամանակ չկար:

Այսօր մարզկենտրոնը չունի մշակույթի տուն, տիպային գոնե մի գրադարան: Բոլոր գրադարաններն էլ նկուղներում, անհարմարավետ շենքերում են: Մշակութային օջախներ չէին կառուցում, որովհետև հանրապետությունը չէր պլանավորում: Դեռևս 1968 թվականին պլանավորված էր Ստեփանակերտում կառուցել մշակույթի պալատ:

Այո, դարաբաղյան շարժումը հոգու պահանջ է: Դրա համար էլ սկսեց է սիրտ ու հոգի ունենալ, որպեսզի կարողանալ հասկանալ արցախցուն:

Հնգամյակից հնգամյակ պլանավորում են, մի հնգամյակից փոխանցում մյուս հնգամյակը, իսկ մարզի հարեվան քաղաքներում մեկի փոխարեն երկու-երկու մշակույթի պալատներ կան, նորաձև, շքեղ: Խորթ զավակը կարող է հարազատ զավակի նման հավասար խնամվի: Երբեք: Մենք էլ ուզում ենք մեր հարազատ մոր հետ լինել: Մենք էլ ենք ուզում մայրական փառաբանք:

Ինչ վերաբերում է զարգացման ընթացքին, ապա ես կարող եմ ասել, որ վերջին 85 տարում ոչ մի ընթացք էլ չի եղել: Ընդհակառակը, քայքայվել են մեր գյուղերը: Գյուղերը տեղափոխվել են քաղաքներ, քաղաքները դարձել գյուղեր, իսկ մեր գյուղերը վերացրել: Յուրաքանչյուր պետություն ուժեղ է գյուղով: Իսկ մենք գյուղեր չունենք: Ասել է թե...

— Գուցե մենք ժամանակը արդյունավետ օգտագործել չգիտենք: Բայց չէ որ մշտապես պիտի հիշենք, որ այս պարագայում ամեն մի ժամկառ օրվա կորուստ մեզ մի քայլ հետ է մղում մեր նպատակի իրագործումից:

— Ժամանակը արդյունավետ օգտագործել լավ գիտենք: Բայց այդ ժամանակը օգտագործելու համար եթե չկան բազա, նյութատեխնիկական հնարավորություններ, ինչպես պետք է օգտագործել ժամանակը, ջուր ձեռնդ՛վ: Եվ ահա 70 տարի է Հակոբ Պարոնյանի ասած «Հառաջ պոռայով, հետ-հետ կնահանջենք...»:

Այսօր Արցախ աշխարհը չունի իր առաջվա փառքը, մեր տաղանդավոր, լավագույն մասնագետները, արվեստի, գրականության փայլուն դեմքերը:

Նրանք ցրվել են երկրով մեկ: Արցախը նրանց համար շատ մեղ էր, որովհետև Արցախում զարգանալու համար չկան հնարավորություններ, միտումնավոր փակում էին արցախցի տաղանդների զարգացման դարպասները: Ասում ենք ամեն լավը մեր մանուկներից: 70 հազարանոց մեր քաղաքում կա մեկ երաժշտական դպրոց, այն էլ՝ տեղավորված մի հին, ոչ տիպային, վթարային շենքում, իսկ արվեստի մանկական դպրոցը՝ նախկին քաղաքապետի շենքում, գուրկ է տարրական պայմաններից: Երիտասարդությունը իր հանգիստը անցկացնելու համար չունի ժամանակակից ոչ մի բար, սրճարան, պարասրահ... Մենք ոչ թե մի քայլ, տասնյակ մղոններով ենք հետ մղում սովորական առաջընթացից:

Եթե մենք լինենք մեր երկրամասի տերն ու տնօրենը, ըստ մեր արցախցիների շնորհի, ես գիտեմ, համոզված եմ, որ շատ-շատերից առաջ կլինենք, իսկ դժբախտաբար 85 տարում մենք միայն հետ ենք մահանջել: Հենց այս րանի գիտակցմամբ էլ այսօր դարաբաղյան շարժման առաջին գծում երիտասարդությունն է քայլում, շարժման դրոշակակիրը Արցախի խիզախ երիտասարդությունն է:

— Ավելի քան երբևէ այսօր Հայաստանի հետ հոգևոր կապը կենսական անհրաժեշտություն է: Ինչպե՞ս է իրագործվում այդ խնդիրը:

— Հայաստանի հետ միշտ էլ անհրաժեշտ է եղել կենսական կապը: Այսօր Արցախում ստեղծված վիճակում քիչ մեղք չունեն մայր Հայաստանը:

Գի մտավորականությունը, արվեստի և գրականության մեր առաջատար ուժերը, ստեղծագործական կոլեկտիվները: Նրանք իրենց «միջրում են» առտասահմանյան ուղևորությունների, իսկ Արցախը մոռացել էին, մոռացել էին Հայաստանից դուրս այս փոքր Հայաստանը: Եթե պատահում էր տարեկան մեկ կամ երկու գեղարվեստական կոլեկտիվ այցելում էին Արցախ, մեկ կամ երկու համեղգով հանդես գալիս մարզկենտրոնում կամ ինչ-որ շրջկենտրոնում... ու շտապ վերադառնում էրևան: Իսկ գյուղը: Գյուղի շինականը մնում էր աղքատների ուղիղ հատկացումների «ամա՛ն... ամանի՛» գերի դարձած: Իսկ մեր հայկական արվեստը, երգը-պարը մոռացվեց ու մոռացվեց: Ո՛վ է դրա համար մեղավորը... Սկսվեց դարաբաղյան շարժումը, այն հասավ Երևան, դուրս եկավ Թատերական հրապարակ: Թատերական հրապարակը զարթնեցրեց ամբողջ հայությանը: Եթե չլինեք Թատերական հրապարակը, ով է իմանում, ինչ կլինեք... Այսօր հազիվ թե այս գրույցը լինեք:

Այս տարվա մարտի սկզբներին Հայաստանի ստեղծագործական կոլեկտիվների հետ հանդիպումներ ունեցանք: Պարտավորվեցին, խոստացան, օ՛, խոստումների ինչպիսի հեղեղ: Բայց անցել է ավելի քան չորս ամիս, դեռ այդ հեղեղներից մի կաթիլ չի ընկել Արցախում:

Գիտեք, մեր էս փոքր Հայաստանի հայերը շատ են կարտուել մեծ Հայաստանին, նրա մարդկանց, նրանց ձայնին, մենք նրանց հետ մեծ հույսեր ենք կապում: Տարիներ շարունակ արգելված էին

մեր հանդիպումները, իսկ ինչքան արգելում էին, այնքան քաղցրանում էր մայր Հայաստանը: Հիմա կարծես չեն արգելում, քայց էի չենք հանդիպում: Լավ է, հեռուստատեսությունը սկսել է Երևանի հաղորդումները ցույց տալ, գոնե հեռուստատեսությամբ մեկ-մեկ տեսնում ենք մեր արվեստի վարպետներին, երգիչներին, գրողներին... Հետաքրքիր է, ինչո՞ւ չեն ուզում նրանք գալ Ղարաբաղ, մեր ժողովրդի հետ հանդիպել: Արքանիսի հետ այդ մասին Երևանում խոսել եմ, ասում են «ապասնի է» հիմա գալը: Ինչո՞ւ: Իսկ եթե իրոք վաղը «ապասնի» լինի, էն ժամանակ կարող է Հայաստանի՞ց էլ փախչեն:

— Ունե՞ք կոնկրետ օրինակ, որ Հայաստանի այս կամ այն ձեռնարկում իրագործված լինի, խոսքը վերաբերում է կոլտնտրայի բնագավառին:

— Ծառ: Մենք շատ շնորհակալ ենք Գորիսի շրջանային կոլտնտրայի բաժնից, Ազիզբեկովի շրջանային գրադարանի, Երևանի ԽՆԿՆ Ապրո հանրապետական մանկական գրադարանի կոլեկտիվներից: Իրոք, նրանք այնքան հայկական գեղարվեստական գրականություն են մեզ ուղարկել, որ այդ պրոբլեմը լուծված է մեր գրադարաններում: Թույլ տվեք ձեր թերթի միջոցով շնորհակալություն հայտնել այդ լավ, բարի մարդկանց: Բայց Հայաստանից դեկավորությունից շատ դժգոհ ենք: Բազմիցս գրավոր և բանավոր խնդրել ենք թեկուզ և փոքր, ազգագրական, էստրադային համերգային խմբեր ուղարկել Արցախի շրջանները, գյուղերը... խոստանում են, քայց չեն ուղարկում: Նույնը կարելի է ասել Հայաստանի կինեմատոգրաֆիայի կոմիտեի ընկերների մասին՝ խոստանում են և շուտ մոռանում...

Զրույցը վարեց
ՌՈՒԶԱՆ ԱՌԱԿԵԼՅԱՆԸ